

Met an ekewe Sam me inn Wiser?

- Nengeni mararer io epwe tongeni an epwe awora ew nenien anenia me tumun faniten ewe semirit;
- Epwe fiti angangen fisit ewe semirit, chinon chok ika kapunguno me ren kapung ren an esapw chuen wor angangen fisit;
- Epwe fiti meinisin angangen arongorong;
- Epwe wisen ureni kapung porous ika pwe mi wor ekesiwin;
- Fiti me pungun kapung;
- Fiti angangen kokotun ewe keis;
- Epwe achocho churi ewe chon angangen ewe keis me ewe attorney ren an epwe awora porous mine mi ekesiwin non pekin ar repwe churi (nampan fon me address);
- Porous ngeni ewe chon angangen ewe keis me ewe attorney faniten ewe semirit me ewe keis, akaewin, ika ekewe ika pwe mi wor kapaseis ika ekewe sam me inn ir mi nit aninis ren pekin aninis;
- Fiti angangen ren pekin aninis mi kapunguno me ren kapung, epwe tori ekewe pekin ir mi achocho ngeni faniten, me fori angangen ewe ekesiwin ren pekin mwokutukut mi maketi non ewe Family Service Plan;
- Fiti angangen pekin kae an ewe semirit me pekin tumunun inis; me
- Fiti angangen pekin mwich me pwan ekoch mwich faniten ei keis.



Met kewe wisen ewe chon angangen ewe CWS?

Noum we chon angangen CWS epwe iteiten nge porous ngonuk faniten met omw kewe pung, me wisom kewe, me met kopwe asukusuku ren an epwe fis.

- Foforun angangen ekewe pekin mwokutukut mi fis iei ren pekin chekin tumunun ewe semirit;
- Esina me asine ngeni aramasan ewe semirit io mi mochen an epwe awora ew pekin ren anenia;
- Foforun angangen ekewe pekin mwokutukut mi fis iei ren pekin chekin an ekewe sam me inn ekewe nits;
- Tinano ekewe sam me inn ngeni ekewe pekin aninis non ewe fansoun mi och;
- Kopwe ekieiki ika pwe ekewe ekoch pekin chon awora aninis mi katong seni ekewe sam me inn mi och;
- Nengeni ochu an ekewe sam me inn fefeita non ekewe pekin aninis;
- Fisit ewe semirit, ekewe sam me inn, me ekewe nenien pekin chon tumunun semirit iteiten maram;
- Achocho ne aporoua ekewe sam me inn ren porousen an ewe semirit Mamarita me fefeita;
- Enefina inet ewe semirit epwe tongeni nomwotiw non ewe imw ren ewe sokun akot mi tumunoch;
- Ika pwe CWS epwe fori angangen ekesiwin ren faniten kokoten anenia me angangen pekin fisit an ewe semirit, ureni ekewe sam me inn won fon ika non mak non ruu wik me mwan, ika non unungat ranin angangen, ika pwe mi wor atapwanapwan; mel
- Mutir chok kokori ekewe sam me inn me GAL won fon ika non mak nupwen CWS a angei ew kapas faniten afeiengaw ika kapasen afanga ewe semirit nupwen ii mi non faniten tumunuen ekewe chon pekin tumunu semirit.



**Amon mi chok
foforino iei
ren nonomino**

**Ew angangen akei
faniten ekewe family**

Chid Welfare Services ir mi achocho ne angangen fengen me famiy A esina ewe family ren pekin nipwakoch won ar asufonu ekewe mwokutukut me apechokuna non ewe angang.



Meinisin ekewe semirit me serafo ir mi nit me pwan och ar repwe nomw ren ew family me nomw non ewe neni mine ir repwe wesewesen tongeni ar repwe aita ngeni nge imwer. Ekewe semirit ir ren nit ar repwe nonomwoch ren nefiner, ren ewe neni, me ren pekin aninis ren ar repwe no ngeni pekin mamarita tumunun inis. Ekewe semirit resapw marita fan tumunun ekewe chon pekin tumun semirit. Ekewe mwokutukut ie mi achocho ngeni ar repwe tori epwe amwokut nupwen chok ewe semirit anomw fan tumunun ekewe chon pekin tumun semirit.

Met ei Concurrent Permanency Planning?

Concurrent permanency planning wewen pwe ru mwokutukut mi wesewesen pung ren ar repwe esina seni nepoputan ewe keis me ewe Child Welfare Services (CWS) epwe wor akot won pwe epwe tori nesopwonon me ru ekewe mwokutukut ir mi achocho ngeni ar repwe tori. TWewen pwe CWS me ekewe sam me inn repwe angangen fengen ngeni ar repwe eniwini ewe semirit ngeni imwen ewe family me angangen kesipinon ewe keis (angangen niwin sefan fengen) iwe epwe pwan akot faniten epwe fis pwe ewe semirit mi tongeni an esapw wor imwen ewe family mi tumun ren an epwe niwin sefan ngeni me non ewe fansoun mi fich iwe mi tongeni an epwe nit epwe wor emon chon tumun epwe wesewesen fis pwe ina ii epwe wisen chon tumun non fansoun angangen ewe pekin mwumwu, anomwu non pekin tumun fan emwenien anuk, ika ren emon chon tumun tori ra tori ier 18.

Met kewe Permanency Timelines?

***Epwe iteiten onu maram**, mi wor ew angangen katonochu pekin arongorong ian ewe soukapung akotonochu nonomwun ewe keis iwe a finata:

- Ewe fefeitan ewe family non pekin fori sefani ekewe ekipwich ren pekin tumun;
- An ewe semirit pekin tumun, ewe sopwosopwonon anomwu nukun ewe imw, me ewe angangochun ewe pekin anomwu mi fis iei;
- Ika pwe ewe semirit mi angei pekin aninis mi och me pekin tumun;
- Ewe angangen akotachun ren angangen pekin fisit mi akotono;
- Ika pwe an ewe keis kokoten mi fisioch angangen senanong non, ewe kamweteno ngeni me meni chok nein a fori met kokotun ewe keis, me pwan an CWS mwokutukut ra awenewen ngeni ar repwe angei ew wesewesen anenia faniten ewe semirit; me
- Ew pwinin maram faniten an ewe semirit epwe niwiniti imwen ika an epwene wesewesen anomwu nukun ewe imw.

***Epwe mwaren tori iteiten 12 maram**, mi wor ew arongorong ian ewe soukapung EPWE PWAN finata:

- Ika pwe CWS efori ew angangen anenia ekewe semirit ir pwipwi me mwongang mi och me pwan awora an ekewe semirit pwipwi me mwongang ngeni ew angangen fisit epwe chok fifis iteiten ika ekoch pekin churi ika pwe ir mi nomw fesen;
- Ika CWS efori ewe pekin awora aninis mi och ngeni ewe family mi auchea faniten ewe semirit ren an epwe niwiniti imwen me angei angangen pekin niwin sefan fengen;
- Ika pwe ewe kokot mi och, ika ewe mwokutukut ir mi achocho ngeni an epwe wesewesen fis nge epwe siwin;
- Ik pwe ewe semirit afen eis ren ochun nonomwun ren ierin faniten ewe mwokutukut ir mi achocho ngeni an epwe wesewesen fis; me
- Ika CWS epwe apungano ew angangen siwinin pekin mwokutukut mine ir mi achocho ngeni an epwe wesewesen fis.

***MAKETIW:** Ewe taropwe auchea mi maketiw mwokutukut mine mi auchea mi tongeni siwin anongonong won ekewe fansoun.

Met kewe mwokutukut ir mi achocho ngeni ar repwe tori an epwe wesewesen fis?

Angangen chusefan fengen. Ekewe mwokutukut mine ir mi achocho ngeni pwe epwe fis mi fen kawor awor ren an epwe achufengeni sefani ewe semirit ngeni seman kewe me innen non fansoun mi och. Ewe chon angangen ewe keis epwe angang ngeni kewe same me inn ren an epwe fefeitan an ewe keis akot pwe epwe uta won an ewe family pechokun me aporosa ekipwichin ren an ewe semirit pekin tumun. Family repwe kochu ngeni ekewe aninis nupwen ir mi fori fichi ewe family me angangen kochu ekewe oreni. Family epwe pwan anetata ewe angangen kokoten pekin fisit ren iteiten churi ewe semirit.

Mowtano: Nupwen ese tufich ren ewe semirit an epwe niwin sefan ngeni imwan, mwumwuno ina pwan ew anien an epwe kawor pekin tumun, nomwofochono, me pekin tong an ewe family. An ekewe sam me inn pung ren ewe semirit ewe kapung epwe wisen apungano me mwan an ewe semirit epwe mwumwuno. Angangen mwumwu an ngeni wisen ekewe sam me inn seni wesetan sam me inn ewe semirit ngeni ekewe sam me inn ra mwuti ewe semirit. Ewe soukapung ii epwe wisen finata ika ewe chon tumunu ewe semirit epwe tongeni mwuti ewe semirit. Ika pwe ewe semirit 10 ierin ika fen watten seni, nour taropwen mwumwuta epwe pechokun an epwe chok kawor. Ewe semirit epwene nomw non tetenin nge ii wesewesen noun ekewe sam me inn re chok mwuti.

Chon tumunu: CWS epwe ekieki an epwe anenia ewe semirit fan tumunun ewe pekin chon tumunu ewe semirit non pekin anuk ngeni emon chon tumun mi pwapwa ngeni an epwe awora ngeni ewe semirit ewe imw epwe fis pwe epwene ina wesewesen imwan. Ekewe pung ren pekin sam me inn epwe no ngeni ekewe pekin chon tumun ren ewe semirit, akaewin ren sufen ngeni ewe pekin tumun faniten ewe semirit. Pekin chon tumunu ewe semirit ese pechokun pwe an ekewe sam me inn pung epwe kamworono. Ilka pwe ewe semirit ier 14 ika fen watte seni, noun ewe semirit taropwen mwumwuta ren ewe pekin chon tumunu ewe semirit epwe pechokun an epwe chok wor.

Pwan ew Amonen Atetenin Nonomunono (APPLA): Ei mwokutukut ir mi achocho ngeni epwe awenewen ngeni ekewe serafo ier 16 ika fen watte seni ia awor ie wewen ar repwe pesei ngenir pwe ese nomw non nonomwochun an ekewe serafo ren ar repwe niwiniti imwer, repwe non faniten pekin mwumwu, tonong faniten pekin chon tumunu ewe semirit, ika nomw ren epwe aramaser mi nipwakoch ngeni ewe angang me pwan pwapwa ngeni ewe angang.